



Ki jingmyntoi ka koit ka khiah na u Rynsun bad bor u rynsun elephant

U rynsun u dei uta u jingthung ba dei na ka longiing jong u piat ne Alliaceae. U don ka jingiadei kaba jan bha bad u piat bad ia u rynsun la pyndonkam da ki spah snem ha ki khana pateng na ka bynta ban shet jingshet bad kumjuh ruh kum u dawai. Ia ki symboh rynsun la pyndonkam na ka bynta ban bam, la ka long ha kaba bam im lane shet ia u lane kumjuh ruh na ka bynta ban shna dawai bad u don ia kata ka jingsma kaba pher. Ki sla rynsun bad syntiew ba mih na u ruh ki long kiba lah ban bam, tangba ki kham duna ka jingmad na na kaba long ki symboh rynsun bad la ju bam ia ki khamtam eh ha ka por ba ki dang lung lane dang jem.

Ia ka tynrai halor ka jingrep ia u rynsun ym shym la lah satia ban lap ne shem. Wat la ka la don ka jinggeit ba une u jingthung u dei uba hiar pateng na kiwei pat ki jingthung ne kita ki Allium longicuspis, kiba mih ha ki jaka khlaw hapoh thain pdeng bad shathie sepngi Asia, hynrei ka long pat kaba eh ban lap ia ka tynrai ba thikna jong une u jingthung. Kita ki rynsun "Wild garlic", "Crow garlic" bad "Field garlic" jong ka Britain ki dei ki dkhot jong kita ki jingthung Allium ursinum, Allium vineale bad Allium oleraceum. Hapoh North America, u Allium vineale (ia uba la tip kum u "wild garlic" lane "crow garlic") bad Allium canadense ba la tip kum u "Meadow garlic" lane "wild garlic" bad "wild onion" u dei u jingthung ba ju rep bha.

Uwei na ki jait rynsun ba bna bha, ia uba la tip kum uta u "elephant garlic" ha ka jingshisha u dei u rynsun khlaw (Allium ampeloprasum) bad ym dei u rynsun shisha. U rynsun ba tang tang shi symboh lane ba la tip kum uta u "pearl garlic lane Solo garlic" ruh u don ba une u jait rynsun u dei uba mih tynrai hapoh ka jylla Yunnan jong ka China. Ia u rynsun la rep ha satlak jong ka pyrthei, tangba ka China haduh mynta ka dei kawei na ki ri ba pynmih bun tam u rynsun.

Kane ka ri ka pynmih haduh kumba 10.5 million ton (23 billion pound) ha ka shi snem shi snem, kaba long haduh palat ia ka 77% na u rynsun ba pynmih ha ka pyrthei baroh kawei. Ka India ka wan ba ar ha kaba ka jingpynmih rynsun jong ka ka long 4.1% bad bud pat sa ka South Korea 2%, Egypt bad Russia mar 1.6% bad ka United States, ha kaba ia u rynsun la rep nyngkong eh kum u mar rep ha baroh ki jylla lait noh ka Alaska. Ia u rynsun la ju kham pyndonkam bha na ka bynta ban shet jingshet bad u dei uwei na ki kynja jingthung ba ju pyndonkam bha ha kaba shet jyntah ha ki dong bapher bapher, kynthup ia ka Eastern Asia, South Asia, Southeast Asia, Middle East, Northern Africa, Southern Europe bad ki bynta ba shathie bad thain pdeng America.

Ka rukom mad jong u rynsun ka iapher katkum ka rukom pyndonkam ne rukom shet jyntah. Kham bunsien la ju pyndonkam ia u ha kaba khleh lang bad u piat, sohsaw lane sying. Ka snep jong u rynsun ka iasyriem bad long thik kum ka snep piat bad bundien la ju khoh noh ia ka ha shuwa ban pyndonkam, ha ka kaba bam im lane shet jingshet. Ia u rynsun la pyndonkam ha ki rukom bapher bapher na ka bynta ban shet ia ki jait jingbam bapher bapher. bunsien la ju ot noh ia ka khmut bad tdong jong u rynsun ha shuwa ban shet.

U rynsun ba la thad tyrkhong bad tylliat ni bha pat u don ia la ka jong ka jingmad na u rynsun ba dang im. Ia u rynsun la ju pyndonkam na ka bynta ban bam ne shet jingshet bad kumjuh ruh na ka bynta ban shna dawai ha kiba bun ki kolshor mynta da ki hajar snem, kaba lah ban long naduh kata ka por ba la tei ia ki mot laidong Giza Pyramid. Ia u rynsun haduh mynta dang rep hapoh Egypt, hynrei u jait rynsun ba rep hapoh Syria u dei uta uba kham remdor ne kynsai.

Ia u rynsun la kdew ruh ha ka Bible bad ka la don ruh ka jingkdew shaphang u rynsun ha kiba bun ki kot ne kitab shaphang ka jingpyndonkam ia u rynsun na ka bynta kiba bun ki rukom, kum na ka bynta ban pyniapher ia ki khniang, na ka bynta ban pynkoit ia ka jingpang shadem, ka jingbym tylliat bha ka kphod bad ka jingtlot ka bor met. Ka jingpyndonkam ia u rynsun hapoh China nyngkong eh la kdew ha ka snem 510 A.D. Ia u rynsun la bam ruh da ki shipai Greek bad Roman hyndai bad kumjuh ruh da ki nongniang lieng.

Tangba ia u rynsun kham niar ban pyndonkam ha kaba shet jingbam hapoh England wat lada la ong ba la sdang ban rep ia une u jingthung hapoh England ha shuwa ka snem 1548 bad u la long uwei na ki jingthung ba kham pyndonkam bha hapoh Mediterranean Europe. Ia u rynsun la pyndonkam ym tang ha kaba shet jingshet lane shna dawai, hynrei u long ruh u jingthung ba la pyndonkam ha kaba leh niam leh rukom.

Wat hapoh India dang lah ban shem kynrei bha ba ia u rynsun la wah lang ryngkang bad u sohjew bad sohmynkawsak hakhmat khyrdop dukan ne iing kum ka dak ban beh ia ka jingsniew ne bymman. Ka la don ruh ka jingong ba ia u rynsun bad u piat la ju khei kyntang bha ruh da ki nong Egypt ha ka por ba ki bam smai. Ki nongshong shnong jong ka Pelusium, ha bynta ba shathie jong ka Egypt kiba mane ia u piat, la ong ba ki don kata ka jingkheih sang ban pyndonkam ia u piat bad rynsun kum u marbam.

Dait u bseiñ python ia u briew ha ka por ba u dang shong ha paiñkhana

Uwei u briew ha Bangkok, Thailand, u la mad ia ka jingjia kaba sngew shyrkhei ha kaba u bseiñ python uba jrong 12 phut u la dait ia u na ki mynraiñ jinglong shynrang katba u dang shong halor ka paiñkhana.

U la sngew ia ka jingpang kaba jur bad u la sngewthuh ba u bseiñ u la dait ia u. Ha ka jingtieng, u la bat ia uta u bseiñ na ka ryndang bad u la pyrshang ban bret ia u. Haba u bseiñ um treh ban pyllait, u pyndonkam da u jingshut paiñkhana ban tied ia u haduh ba un da pyllait ia u.

Ka kamra shet ka la dap da ka snam ha kata ka ka por. Hadien katei ka jingjia, kiba ha iing ha sem ki la rah ia u sha Hospital, ha kaba u la ioh ia ka dawai tetanus, hynrei um donkam ban shah suh. Donbok ba uta u bseiñ um shym la don bih, kumta um shym la don ha ka jingma kaba khraw, hynrei u la tieng palat ban pyndonkam biang ia kata ka paiñkhana.



Kam ka kynthei Kochi ba khang lynti u conductor bos tang bym ai nombar phun

Kawe ka kynthei kaba 24 snem ka rta na Kochi ka la iathuh ia ka jingjathuhkhana kaba pyn-sngewsih ha ka Reddit shaphang uwei u nong-pyniaid bos uba la pynsngewsih ia ka. Ka la batai ba u nongpyniaid, uba ha kaba sdang u long tang leh jan, u la sdang ban leh jan palat bad u la pan u nombar phone bad ka la kyntait ban ai.

Hadien kane, u la khang lynti ia ka haba ka pyrshang ban hiar na ka bos, tad haduh ba uwei pat u nongleit jingleit u la hap ban iarap ia ka. Ka kynthei kam thikna la ka leh palat ne ka jingleh jong u nongpyniaid kali ka long kaba bakla. Ki briew ha ka Reddit ki la kyrshan ia ka, da kaba ong ba ka jingleh jong u conductor ka long kaba "kynsha" bad ki la ai jingmut ia ka ba kan long shngain bad pyrkat ban iai pyntip ia katei ka jingjia. Ka post ka la ioh jingkyrshan klo, da kaba pynpaw ia ka jingeh jong ka jingshah lehbeih ha ki jaka paidbah.



Saphriang ka video ba aibam ka kynthei ia ka Kuratia ha pung

Ka video jong kawei ka kynthei kaba ai kam ia ka kuratia kaba heh bha katba ka dang ieng ha ka pung ka la pawnam bha, kaba la pynmih ia kiba bun ki jingkynthoh ha ka internet. Ka Gabby, kaba dei ka nong-pyllait im ia ki mrad bad ka trai jong ka Bel-lowing Acres Alligator Sanctuary, la iohi ha katei ka video ba ka jingi hajan kawei ka kuratia kaba heh bad kaba shyrkhei kaba kyrteng ka Bella.

Ka Gabby ka pyndonkam da u dieng ban teh lakam ia ka Bella bad nangta ka ai bam ia ka, da kaba thmu ban pynjai jai ia ka kuratia ha ka por ba ai bam. Ka la sam ia kane ka video ha ka Instagram, da kaba ai jingmut ia ki briew ba kim dei ban ia jingi ne ai bam ia ki kuratia khlaw. Kane ka video ka la ioh palat 300 hajar ngut ki nongpeit bad 9 hajar ngut ki likes.



8 tarik Jymmang yn pynlait ia ka phlim drama histori-u Sanjay Duttshaphangu Vicky

Ka phlim Aakhri Sawaal kaba dei ka phlim drama histori-sainpyrthei ba la ak da u Sanjay Dutt, la pynkhreh ban pyni ha ki jaka peit baiskup ha ka 8 tarik Jymmang mynta u snem. Hadien ka jingpynbna la dep pynmih ia ka ka teaser jong kane ka phlim kaba pyni shaphang u Hanuman Ji Janmotsav. Ka teaser kaba dang shu pynmih dang shen ka rung ha ka jingpyrto ka histori jong ka seng Rashtriya Swayamsevak Sangh (RSS), ka seng kaba rim tam jong ka ri India, kaba la seng ha u snem 1925, kaba pyni ia ka khana jong ka ha ka jingshai kaba khlem pat ju jia mynno mynno ruh. Watla ka long kaba lyngkot, hynrei ka teaser ka long kaba donbor, kaba pynmih jingkylli bad kaba pynmih ia ka jingiakren shaphang ki jingjia kiba la neh jan haduh shispah snem.

La batai kum ka teaser kaba khlem tieng, kaba beit, bad kaba iakren, ka kular ban pyniasoh ia ki nongpeitka ha ka jingiakren shaphang ki jingshisha jong ka histori, naduh ka jingkhang hadien u Mahatma Gandhi haduh ka jingiakynad halor ka Babri Masjid. Ia ka Aakhri Sawaal la dairek da u nongshna phlim uba la jop ia ka National Award, u Abhijeet Mohan Wangar, uba la pawnam na ka bynta ka phlim ba nyngkong jong u ha ka ktien Marathi 'Picasso' bad kiwei ki kam kum ka phlim 'Deja Vu bad Prem Pratha Dhumshan'.

Ha kane ka phlim, ki nongak ba kongsan ki long u Sanjay Dutt, u Amit Sadh, u Namashi Chakravarthy, ka Neetu Chandra, bad ka Tridha Chudhury, bad ka dei ka dak jong ka jingwanphai biang jong ka Sameera Reddy hadien ka jingsangeh kaba la slem bha. La pynmih hapoh ka lama jong ka Nikhil Nanda Motion Pictures, ia kane ka phlim la mihkhmat da u Nikhil Nanda, ba la pynmih lang ryngkat da ka Puneet Nanda, Dr. Deepak Singh, Gaurav Dubey, bad u Ujjwal Anand, bad u la thaw ia ka khana, screen play bad dialogues da u Utkarsh Naithani. La composed ia ka musiuc da u Kumar Vishwas.

Ka khana ka iaid sawdong shaphang u Vicky, u riewstad uba stad hynrei uba kyllaiñ bha ka buit, uba ialeh pyrshah ia u u nong u nonghikali jong u, u Professor Gopal Nadkarni, hadien ba la kyntait ia ka thesis jong u. Kaei kaba sdang kum ka jingiakynad ha ka liang ka jingpule shimet ka nang kiew sha ka jingiakren kaba la pyni ha ka telebison ha ka ri baroh kawei. Lyngba ka jingkylli khlem sangeh shaphang u Vicky, ka phlim ka wad bniah ia ki samla jong ka ri India, ia ki jingangnud jong ki, ki jingartatien, bad ka jingwad ia ka jingshisha hapdeng ki jingjia ha ka histori. Ka jingialeh kaba jur bha hapdeng u Guru bad u Shishya ka pynpaw ia ka jingmaham kaba la rim da ki spah snem kaba lah ban siewspah ia u Professor ne ban pynduh pyndam ia ki baroh arngut.



Shlei ka surok bah da ki soh grape tyrkhong na ka jingkylla kawei ka trok

Ha kawei ka jingjia kaba phylla kaba la jia ha California ki pulit ka California Highway Patrol ki la ong ba hynriew tylli ki surok ha ka surok bah jong ka California ki la shah khang trei kam noh shipor hadien ba kawei ka trok ka la pynhap ia ki synduk ba don ki soh grape tyrkhong.

Katei ka trok ka la kylla ha ka bynta kaba hapdeng jong ka surok kaba phiah ia kitei ki san bynta hadien ka por 5:30 jan miet, ha ka bynta jong ka thain shatei jong ki ar tylli ki surok Freeway.

Ka jingkylla jong katei ka trok ka la pynlong ia ka jingkhong jong ka trailer jong ka ba kan plie, bad kane ka la pynlong ba da ki spah tylli ki soh garpe tyrkhong ba kin hap ha surok bah. Ka CHP kam la khang shipor ia ki hynriew tylli ki surok katba ka jingpynkhuid ia kitei ki soh ka dang iaid sha khmat. Kawei ka bynta jong ka surok ka la plie beit na ka bynta ka iaid ka ieng jong ki kali.

La lah ban pynkhuid ia katei ka surok bad la plie biang pat ia ka shi sngi hadien katei ka jingjia.

